



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XXIII.

urn:nbn:de:hbz:466:1-29452

fore certas propter Christum, & non ob nostra merita. Ideò dicebat Propheta Psal. 113. Non nobis Domine, non nobis, sed nomini tuo da gloriam. Sed propterea non auocari nos patiamur à studio bonorum operum: hoc neglecto, promissiones nihil erunt, etiam si non propter illa sint efficacia. Exigit enim Deus illa ad laudem & gloriam suam, Phil. 1. Sunt quoque gratiæ nostræ, & sua habebunt præmia.

CAPVT XXIII.

ARGVMENTA.

1. *Quòd Christi mors vnica sufficit ad tollendum omnia peccata, præterita, præsentia & futura.*
2. *Quomodo efficacia illius mortis distribuitur per media.*
3. *Quòd media licet exigantur, non tamē sunt pars salutis nostræ, sed solus Christus est totus & vnicus Saluator, cui totum tribuitur: & solum ipsius opera, & non nostra, vincunt peccatum, mortem & Sathanam.*



Postolus inquit, 1. Ioan. 2. Ipse est propitiatio pro peccatis totius mundi, id est, pro omnibus peccatis quæ in mundo vnquam facta sunt aut fieri possunt, solus Christus est propitiatio: Nam illum posuit Deus propitiatorem in sanguine eius Rom 3. Sic Esa 53. In eo posuit iniquitatem omnium nostrū, quotquot in mūdo sunt, tam originale quàm actuale. vnica igitur mors Christi, semel facta, Rom 6. sufficit ad tollendum omnia peccata, præterita, præsentia & futura, inquit Lyra, Ro. 6. Hic agnus igitur Dei tollit

tollit peccata omnia mundi, Ioan. 1. Qui ideo est immolatus, ut sit sacrificium omnium credentium coram Deo, cuius efficacia est, quod sit remissio certa, ac sufficienter promerita omnibus cupientibus, Natiuitas, mors, passio, resurrectio, ascensio, ieiunium, oratio, legis impletio per Christum, hæc opera nos saluant, & peccata remittunt, non nostra opera. Non ergo Christus est saluator ad Baptismum usque, ubi non post Baptismum operibus nostris mereri debeamus remissionem & vitam: sed semper est vnicus saluator, & propter ipsum atque opera eius remittuntur omnia peccata propter nomē eius. Act. 10. Lucæ 24. Prædicari in nomine eius pœnitentiam &c. & non propter nostra merita, quia nos semper serui inutiles, Lucæ 17. nec opera nostra possunt mereri vitam æternam. excedit enim hoc facultatem naturæ nostræ, ideo ex gratia datur salus propter Christum. Sic quoque inquit Apostolus Roman. 6. Cùm inimici essemus, reconciliati sumus Deo per mortem filij eius: ideo quoties peccando sumus inimici Dei, oportet recõciliari nos per mortem filij eius, non nostra merita vel opera, quanuis necessariò exigantur. Et latiùs inquit Paulus: Multò magis reconciliati, salui erimus in vita ipsius. Vtrunque commemorat Apostolus, remissionem & salutem: & illa duo Christo soli tribuit, quòd habeamus ea per mortem eius.

2. Licet Christus solus sit hostia pro peccatis totius mundi, (nam solus Christus passus & mortuus est pro peccatis totius mundi, & nullus aliorum sanctorum vel Martyrum mortuus est pro peccatis nostris: illi confessione Fidei mortui sunt: sed solus Christus habet hunc titulum & gloriam, quoniam pro peccatis nostris, id est, totius mudi mortuus est, Ro 4. 1. Io. 2.) attamen efficacia mortis Christi, non distribuitur nisi per media, quæ sunt pœnitentia, cessatio à vi-

tiji,

tij, desperatio de propria iustitia, sanctitate, & merito bonorum operum, & Fides in Christum, iuxta illud Marci 1. Pœnitementi, & credite Euangelio. Quicumque ergo cupit sibi participari huius efficaciam mortis Christi, is oportet habeat hæc media, fidem viuam quæ habet adiunctam pœnitentiã: pœnitentia includit negationem Idolorum & omnium vitiorum, & contemptum propriæ iustitiæ. Fides includit fructus Spiritus & omnia pia opera, quæ sequi debent necessariò, Gal. 5. Per hæc media vult Deus distribui merita mortis Christi. Et quoniam non omnes obediunt Euangelio, Roma. 10. neque pœnitent neque credunt in Christum, ideò fit, quòd efficaciam illius mortis Christi & sacrificij non omnes participant: satis & sufficiens est virtus passionis Christi, etiam pro mille mundis, quantum ad sufficientiam: efficaciam tamen non omnes accipiunt, eò quòd recusant contemnunt illa media. Et hoc etiam expressit Christus Mat. 26. Sanguis qui effunditur pro vobis & multis, quoad sufficientiam: sed quoad efficaciam, non omnes capiunt. In causa est, quia media cõtemnunt. Qui ergo non pœnitet, neque credit in Christum, tantum abest vt fiat particeps beneficij Christi, Ioan. 3. Qui credit, non iudicatur: qui autem non credit, iam iudicatus est, id est, condemnatus, illi nihil proderit mors Christi.

Media illa, id est, pœnitentia & Fides, licet exigantur maximè ad distributionem, non tamen sunt causa vel pars remissionis & salutis. Ita quòd simul meritum passionis & mortis Christi, & nostrum meritum, id est, pœnitentiæ & fidei, tollerent peccatum, & mererentur salutem: sed totum Christo tribuitur, & efficaciam mortis eius & suis operibus, Primò, quia opera nostra suã iam habent sententiam à Christo latam. Lucè XVII. Quando feceritis omnia, quæ præcepta sunt vobis, dicite: Serui inutiles sumus. Si serui inutiles,

3.

tiles, ergo non sunt pars causæ iustificationis & salutis. Deindè, quòd conclusum est, quia Deus propter solum nomen Christi & propter ipsum ex misericordia nos vult sine merito nostro, id est, gratis iustificari & saluari. Act. 10. Huic omnes prophete &c. Et hoc ideò sic conclusum est à Deo, vt simus certi de remissione, Roman. 4. Promissio ideò ex fide, id est, propter fidem est, nempè salutis & remissionis, vt sit firma. Si enim penderet à nostra conditione operum iustificatio & salus, nunquam essemus certi, nunquã possemus satisfacere ad illa accipienda, ideò gratis donatur credenti. Et licet media illa non sint causa & fons iustificationis, compensatur tamen gloria æterna & gratia vel misericordia propter Christum, & ingentibus præmijs in hac & post hanc vitam, non propter suam dignitatem & efficaciam, sed propter Dei bonitatem & misericordiam propter Christum, qui sic coronat sua dona in nobis. Igitur ex promissione, quia iustificati iam per fidem illa faciunt, sic condecorantur: attamen non possunt dici pars meriti cum Christi merito. Iustificationis Christi mors & opus, ex natura & dignitate habet efficaciam meriti remissionis, & vitæ. Nostra opera ex imputatione & misericordia, quibus ex naturali bonitate nihil debetur, quia impura & imperfecta sunt, etiam in iustificationis: quare non possunt stare & concurrere propriè cū merito Christi, Solus ergo Christus, vnicus & solus & totus & integer est saluator: illi soli debetur honor, gloria, & actio gratiarum, & suis laboribus debentur omnia, nobis autem cōfusio, Daniel. 9. Quare opera & media si maximè exigantur, non sunt tamen vel causa, vel pars causæ. Verùm vnica mors Christi. Hæc doctrina quietat & humiliat conscientiam: quietat & firmat, quia audit quòd propter Christum donatur iustificatio & salus, & non propter nostra merita: ideò nemo debet desperare: Deindè humiliat,

mil
sim
de c
ria
pa
Chr
gra
but
& iu

1.

2.

3.



Deo p
porte
accep
rum
funt
men
mum
credi
fit do
Rom:

miliat, ne nimium præsumamus de nostra iustitia, ne similes fiamus Phariseo Luc. XVIII qui præsumebat de operibus suis. Vult enim Deus, vt laudetur gloria gratiæ suæ, Ephes. i Opera nostra licet non sint pars meriti effectiuè ad salutem acquirendam cum Christi merito: sunt tamen pars, & exiguntur cum gratia ad distributionem accipiendam, & vt illa distributio retineatur. Nam sine pœnitentia & Fide salus & iustitia non distribuuntur.

CAPVT XXV.

ARGVMENTA.

1. *Quid sit quod omnium primò in nobis apprehendit Christi merita, Fides an opera.*
2. *Quare Fides antè omne opus accipit talia Christi beneficia.*
3. *Quòd obseruantia præceptorum retinet beneficia Christi, & quòd Christi gratia facit vt obseruentur præcepta.*



POSTolus inquit, Heb. ii. Impossibile est Deo placere sine Fide: ex quo consequitur, quòd Fides oportet sit primum omnium in homine antè omne opus, eò quòd impossibile sit vt quis Deo placeat sine Fide. Accedentè igitur ad Deum oportet credere. Sequi autem debent fidem opera Deo accepta, non præcedere: quare & Gentium & Iudæorum opera reprobantur, quia sine Fide in Christum sunt, etsi temporale accipiunt præmium, nihil tamen meriti habent in gloria. Est igitur Fides primum opus hominis, dum homo assentit verbo Dei, credit promissioni & obedit: Nam Fides quanuis sit donam Dei, attamen & nostrum assensum exigit. Roman. 10. Fides ex auditu. Primum ergo hominis opus.